



Broj: 05-02-8-1354/24
Sarajevo, 30.12.2024. godine

FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ ZASTUPNIČKI DOM
n/r sekretara
n/r zastupnice Jasmine Biščević -Tokić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 09-01-2025			
Org. jed.	Broj	Priloga	Vrijednost
05/1	- 02-	653	124

Predmet: Odgovor na zastupničko pitanje Jasmine Biščević -Tokić
Veza: 05/1-02-65321 od 13.12.2024

Poštovani/a,

Agencija za državnu službu Federacije Bosne i Hercegovine zaprimila je dana 17.12.2024 godine akt veze, broj: 05/1-02-65321 od 13.12.2024, u prilogu kojeg je dostavljeno zastupničko pitanje, Jasmine Biščević - Tokić, zastupnice u Predstavničkom domu Parlamenta Federacije Bosne i Hercegovine, koje je imenova postavila na 15. redovnoj sjednici.

Predmetnim pitanjem zatraženo je od Agencije za državnu službu Federacije Bosne i Hercegovine da odgovori koji rukovoditelji federalnih organa uprave su trebali otići u penziju a nisu penzionisani te, koji su razlozi zašto nisu penzionisani.

U vezi s navedenim Agencija ističe da je članom 1. i članom 2. Uredbe o sadržaju i načinu vođenja registra zaposlenih u organima državne službe u Federaciji Bosne i Hercegovine („Službene novine Federacije BiH“, broj 51/20) propisano:

Član 1.

(Predmet)

Ovom uredbom uređuje se sadržaj i način vođenja podataka, kao i zaštita i dostupnost tih podataka koji se vode u **Registru zaposlenih u organima državne službe Federacije Bosne i Hercegovine, kantona, grada i općine te drugim organima i službama** (u daljem tekstu: Registar), osim ako posebnim kantonalnim propisima nije uređeno drugačije.

Član 2.

(Organi državne službe i zaposleni)

(1) Organi državne službe u smislu ove uredbe su organi uprave i upravne organizacije i drugi organi i službe iz člana 74. Zakona o državnoj službi u Federaciji Bosne i Hercegovine ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine broj U-13/16 - u daljem tekstu: Zakon o državnoj službi).

(2) Zaposleni u smislu ove uredbe su državni službenici i namještenici u organima državne službe iz stava (1) ovog člana.

Prema članu 5. Zakona o državnoj službi u Federaciji BiH - Izuzeće u primjeni :

„1. Članovi Parlamenta Federacije, predsjednik i potpredsjednici Federacije, članovi Vlade Federacije, sudije Ustavnog suda Federacije, sudije Vrhovnog suda Federacije i federalni tužioci nisu državni službenici i njihov radno-pravni status se uređuje drugim propisima.

2. Članovi kantonalne vlade, članovi skupština kantona, sudije kantonalnih sudova i kantonalni tužioci nisu državni službenici i njihov radno-pravni status se uređuje drugim propisima.

3. Članovi općinskih vijeća, općinski načelnik svake općine i sudije općinskih sudova nisu državni službenici i njihov radno-pravni status se uređuje drugim propisima.

4. Članovi gradskih vijeća i gradonačelnici nisu državni službenici i njihov radno-pravni status se uređuje drugim propisima.

5. Lica zaposlena kao savjetnici nosioca funkcija iz ovog člana nisu državni službenici.

6. Ovaj zakon se ne primjenjuje na revizore zaposlene u Uredu za reviziju Federacije Bosne i Hercegovine, pripadnike policije i oružanih snaga.

Dakle, Agencija ne vodi u Registru zaposlenih u organima državne službe u Federaciji BiH podatke o licima iz prethodno citiranog člana Zakona o državnoj službi u Federaciji BiH.

Uvidom u Registar zaposlenih u organima državne službe u Federaciji Bosne i Hercegovine utvrđeno je da na dan pripreme odgovora na zastupničko pitanje troje rukovoditelja federalnih organa uprave koji imaju status rukovodećih državnih službenika ima navršene zakonske godine života i to su:

1. Ana Vuković, direktorica Gender centra Federacije Bosne i Hercegovine,
2. Davorin Korać, direktor Službe za zajedničke poslove organa i tijela Federacije Bosne i Hercegovine,
3. Željko Siladžić, direktor Ureda Vlade Federacije Bosne i Hercegovine za zakonodavstvo i usklađenost s propisima Evropske unije.

Prestanak radnog odnosa državnog službenika, propisan je u članu 51. Zakona o državnoj službi u Federaciji Bosne i Hercegovine, a istim članom, **u tački b), propisan je prestanak radnog odnosa ispunjavanjem zakonskih godina života**, odnosno navršenjem 40 godina penzijskog staža.

Prema članu 52. Zakona o državnoj službi u Federaciji Bosne i Hercegovine, - Postupak za prestanak radnog odnosa, stav 1. „**Državnog službenika razrješava rukovodilac organa državne službe prema prethodno pribavljenom mišljenju Agencije**, sa izuzetkom člana 51. stav 1. tačka h) ovog zakona“, na osnovu kojeg organ državne službe podnosi zahtjev Agenciji za davanje mišljenja o ispunjavanju uslova za prestanak radnog odnosa državnom službeniku, a uz isti dostavlja Agenciji i izvod iz matične evidencije FZ MIO/PIO za konkretnog državnog službenika, te nakon pribavljenog mišljenja Agencije donosi rješenje, odnosno razrješava državnog službenika.

Za pitanja iz radno pravnog statusa rukovoditelja federalnih organa uprave - rukovodećih državnih službenika, prema Poslovniku Vlade FBiH - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21) nadležna je Komisije za administrativna pitanja.


U članu 17. Poslovnika Vlade Federacije BiH propisane su nadležnosti Komisije za administrativna pitanja, koja između ostalog obavlja i sljedeće poslove:

- „priprema prijedloge rješenja o imenovanju, odnosno postavljenju rukovodećih državnih službenika federalnih organa uprave i drugih tijela federalne uprave, kao i stručnih i drugih službi i tijela, koje po zakonu imenuje ili postavlja Vlada, nakon procedure provedene u skladu sa zakonom;
- donosi rješenja o plaćama i drugim materijalnim pravima koja nemaju karakter plaće **za rukovodeće državne službenike koje imenuje i postavlja Vlada, kao i druga rješenja kojim se odlučuje o pravima iz radnog odnosa u skladu sa zakonom i drugim propisima..**“

Prestanak radnog odnosa, odnosno razrješenje samo po sebi ne znači i penzionisanje, budući da je to lično pravo koje se ostvaruje u skladu sa Zakonom o penzijskom i invalidskom osiguranju ("Službene novine Federacije BiH", br. 13/18, 90/21, 19/22 i 47/24), nakon prestanka radnog odnosa.

Imajući u vidu sve navedeno Agencija nema uticaja na ostvarivanje pomenutog prava, niti o istom vodi službenu evidenciju, te ne može dati odgovor na pitanje zašto određeni državni službenici nisu penzionisani.

S poštovanjem,



DIREKTOR

Refik Begić, magistar uprave

Dostaviti:

1. Naslovu
2. Odjeljenju za pravna pitanja i planiranje zapošljavanja
3. a/a